



**REPUBLIKA E SHQIPËRISË
KËSHILLI I MINISTRAVE**

V E N D I M

Nr. 514, datë 19.7.2019

PËR

**FINANCIMIN E PROJEKTIT “PËR DHOMËN E BIZNESIT TË DIASPORËS -
KRIJIMI DHE NXITJA E INVESTIMEVE TË DIASPORËS NË SHQIPËRI”, DHE
ZBATIMIN E TIJ NGA FONDI SHQIPTAR PËR ZHVILLIMIN E DIASPORËS**

Në mbështetje të nenit 100 të Kushtetutës, të neneve 5 e 45, të ligjit nr.9936, datë 26.6.2008, “Për menaxhimin e sistemit buxhetor në Republikën e Shqipërisë”, të ndryshuar, të nenit 13, të ligjit nr. 99/2018, “Për buxhetin e vitit 2019”, të neneve 6, pika 4 dhe 7, pika 1 shkronja “b”, të ligjit nr.32/2018, “Për Fondin Shqiptar për Zhvillimin e Diasporës”, me propozimin e ministrit të Shtetit për Diasporën, Këshilli i Ministrave

V E N D O S I:

1. Financimin e projektit “Për Dhomën e Biznesit të Diasporës - krijimi dhe nxitja e investimeve të diasporës në Shqipëri”, me kohëzgjatje 28 (njëzetë e tetë) muaj, me fond prej 9 000 000 (nëntë milionë) lekësh, sipas projektit bashkëlidhur këtij vendimi.
2. Për vitin 2019, me qëllim krijimin dhe organizimin e Dhomës së Biznesit të Diasporës si mekanizëm për mbrojtjen dhe nxitjen e bizneseve të diasporës shqiptare, Fondit Shqiptar për Zhvillimin e Diasporës i shtohet fondi prej 3 (tre milionë) lekësh i cili përballohet nga fondi rezervë i buxhetit të shtetit
3. Fondet shtesë për projektin bashkëlidhur këtij vendimi do të sigurohen nga donatorë si dhe nga të ardhurat e përfituara nga aktivitetet dhe shërbimet e ofruara nga Dhoma e Biznesit të Diasporës.



4. Projekti “Për Dhomën e Biznesit të Diasporës - krijimi dhe nxitja e investimeve të diasporës në Shqipëri”, bashkëlidhur këtij vendimi, do të zbatohet nga Fondi Shqiptar për Zhvillimin e Diasporës.
5. Ngarkohen Ministria e Financave dhe Ekonomisë, Ministri i Shtetit për Diasporën dhe Fondi Shqiptar për Zhvillimin e Diasporës për zbatimin e këtij vendimi.

Ky vendim hyn në fuqi pas botimit në Fletoren Zyrtare.

K R Y E M I N I S T R I

EDI RAMA

**MINISTRI I SHËTETIT
PËR DIASPORËN**

PANDELI MAJKO